

**PROGRAM RADA  
OPĆINSKOG NAČELNIKA  
za 2014.godinu**

**Sarajevo,decembar 2013.godine**

1.

## **I - UVODNI DIO**

Osnovni zadaci i aktivnosti koji su obuhvaćeni Programom rada Općinskog Načelnika za 2014.godinu proizilaze iz Ustava, Zakona i Statuta Općine Stari Grad Sarajevo.

Djelovanje, rad i postupanje Općinskog Načelnika temelji se na obavljanju i vršenju poslova iz domena lokalne samouprave koja je definisana Zakonom o lokalnoj samoupravi u F BiH, izvršavanju Zakona i sprovođenju općinskih Odluka i smjernica Općinskog vijeća, što boljoj i kvalitetnijoj saradnji općinskih službi sa Općinskim vijećem, sa višim nivoima vlasti, kao i sa drugim institucijama i organizacijama, udruženjima i građanima. Sve naprijed navedeno znači djelovanje u interesu stanovnika općine, a što podrazumjeva i visok stepen odgovornosti.

Po svom karakteru ovo je planski akt pa s tim u vezi i sve aktivnosti koje tretira i koje su predmet ovog Programa će se predvidjeti, a njihova konkretna i konačna realizacija će zavistiti od objektivnih okolnosti koje budu prisutne u periodu koji je pred nama. Naravno, osnovni i prioritetni cilj ovog akta, bez obzira na naprijed navedeno, jeste konačna realizacija planiranih programskih aktivnosti u 2014.godini.

## **II - OKVIRNI PLAN AKTIVNOSTI**

U 2014.godini objektivno se može očekivati dalja tendencija porasta nepovoljnih uslova za razvoj, a što je posljedica globalne ekonomske krize prisutne u svim sferama života i rada, nastavljanje ranije započetog trenda štednje u lokalnoj administraciji i poslovanju uopće, kao i smanjenje priliva sredstava sa drugih nivoa vlasti. Ovo posljednje bilo je prisutno i u 2013.godini, a ove godine za očekivati je da će situacija na ovom polju biti još nepovoljnija.

U godini koja je pred nama, nastavit će se raditi na poslovima i projektima koji su započeti u prethodnoj 2013.godini, a paralelno sa tim će se otpočeti i neki novi projekti i aktivnosti u oblastima u kojima je propisana nadležnost općine kao jedinice lokalne samouprave, odnosno u kojima je izražen interes općine.

Prije svega, i dalje će se raditi na stvaranju što povoljnijeg ambijenta za ulaganja u investicione projekte, i to kroz obezbjeđivanje bitnih pretpostavki za dodjelu neizgrađenog građevinskog zemljišta u svrhu građenja, a kako bi se u konačnici ostvarili i određeni finansijski efekti na Budžet općine.

U oblasti lokalnog razvoja težište će biti na izradi projektnih aplikacija prema međunarodnim organizacijama i fondovima, a sve u cilju obezbjeđenja sredstava na ime realizacije određenih projektnih zadataka za koje općina iskaže svoj interes, a određene projekte koje smo otpočeli u

2.

prethodnoj programskoj godini nastaviti ćemo u ovoj. Tu se prije svega misli na sljedeće projekte: “Naša pasivna kuća”, “Solarna energija na krovu OŠ “Mula Mustafe Bašeskije “ - Sedrenik”, rekonstrukcija Ulice Logavina, utopljavanje zgrade Općine, i dr. Nastavit će se i realizacija projekata izgradnje igrališta Iza gaja – II faza, izgradnja Saburine kuće – II faza kao i nastavak ozgradnje stambene zgrade na Gazinom hanu. U 2014. godini će se nastojati, naravno, ukoliko se ispune uslovi iznalaženja sufinansijera, krenuti i u realizaciju projekta “Rekonstrukcija Bašćaršijskog trga”. Izgradnja podzemne garaže sa multifunkcionalnim trgom u Ul. Avdage Šahinagića kao i izgradnja sportske dvorane “Bistrik” su projekti koji će se realizovati ukoliko se uspiju obezbjediti neophodna finansijska sredstva.

I dalje ćemo raditi na realizaciji i dosljednoj primjeni zaključenih Sporazuma o saradnji koje je naša općina zaključila sa nama prijateljskim općinama iz Turske, Makedonije, Slovenije, Albanije... Na bazi zaključenih Sporazuma intezivirati ćemo aktivnosti u cilju postizanja što boljih kulturnih, ekonomskih i drugih efekata po Općinu Stari Grad. Rezultati ove saradnje mogli su se vidjeti i u prethodnom periodu kada smo zahvaljujući potpisanim Sporazumima i dobronamjernosti naših kolega realizirali mnoge po općinu značajne projekte. Očekujemo da će slična situacija biti i u 2014. godini.

Programske aktivnosti Općinskog Načelnika za narednu godinu, a posmatrano s aspekta Budžeta, kretaću se u granicama realnog i mogućeg, a posebno cijeneći okolnosti u kojima planiramo bužetske aktivnosti.

I 2014. godine obezbjediti će se aktivno učešće općine u postupcima donošenja zakonskih i podzakonskih akata na svim nivoima vlasti kroz davanje kvalitetnih sugestija, mišljenja ili prijedloga na utvrđene nacрте ili prijedloge određenih akata. Naravno, u svim situacijama u kojima se ocjeni da je došlo do povrede prava na lokalnu samoupravu, kao i uvijek do sada, reagovat ćemo i pred nadležnim organima tražiti zaštitu povrijeđenih prava i interesa. O svemu što se poduzme u ovoj oblasti informirat će se i Općinsko vijeće.

Također, nastaviti će se rad na rješavanju određenih ključnih pitanja koja su bitna za funkcionisanje općine kao jedinice lokalne samouprave, kao i za život i dobrobit njenih građana. Pitanja koja će, između ostalog, biti predmet posebnog interesovanja su: jačanje općine kao jedinice lokalne samouprave i jasnog definisanja vlastitih nadležnosti, finansiranje općina, Zakon o dobrobiti životinja (problem pasa lualica – nezbrinutih životinja), a čije izmjene i dopune su u momentu izrade ovog Programa u proceduri, regulacioni planovi, i druga slična pitanja.

Socijalni programi u 2014. godini bit će prisutni u mjeri u kojoj je to neophodno i realno moguće, a reflektovat će se kroz dodjele jednokratnih novčanih ili drugih vidova pomoći socijalno najugroženijim kategorijama stanovništva, dodjelu stipendija srednjoškolcima i studentima – djeci boračke populacije, dodjelu stipendija nadarenoj djeci, isl.

Angažman općine po pitanju mladih i ove godine naći će svoje mjesto u programskim aktivnostima Općinskog Načelnika i to daljim omogućavanjem za sticanje potrebnog radnog iskustva kroz program volontiranja u općini, uključivanje u programe koji pospješuju angažman mladih (projekat “Radi- volontiraj”), kroz realizaciju „Strategije za mlade“, nastavak dosadašnje uspješne saradnje sa Fakultetom za javnu upravu, i sl.

Značajan dio programskih aktivnosti i dalje će se ticati stvaranja bitnih preduslova za što bolju i efikasniju organizaciju općinskih službi/sektora čime će se omogućiti da općinska uprava bude što racionalnija. Jedan od prioritetnijih ciljeva, kao i narednih godina, bit će stvaranje što efikasnije uprave – uprave koja će omogućiti zadovoljavanje osnovnih potreba građana i rješavanje njihovih pojedinačnih problema i zahtjeva. Od uprave će se tražiti profesionalan, stručan i odgovoran angažman prilikom izvršavanja utvrđenih i planiranih poslova i radnih zadataka.

Namjera nam je i u narednoj godini raditi na jačanju lokalne zajednice i to naročito kroz što

3.

efikasniji rad mjesnih zajednica, a gdje se na najbolji način mogu uočiti svi problemi sa kojima se susreću naši građani, a i inicirati rješavanje određenih akutnih problema.

Na planu upravljanja kvalitetom održat će se recertifikacijski audit (decembar 2014. god.), a što u svakom slučaju predstavlja nastavljanje napora za održavanje kontinuiteta sistema kvaliteta ISO 9001:2008

### **III - OBLAST INVESTICIJA, KOMUNALNIH I INSPEKCIJSKIH DJELATNOSTI**

U oblasti investicija, komunalnih i inspeksijskih djelatnosti planirane su sljedeće aktivnosti:

- iniciranje i učestvovanje u izradi planova, programa i investicionih projekata od interesa za Općinu što podrazumjeva i obavljanje pripremnih radnji, pribavljanje i izrada potrebnih tehničkih podloga, izrada projektnih zadataka, koordinacija i saradnja sa projektantskim biroima i izvođačima radova prilikom realizacije projekata, investicija;
- nastavak realizacije započetih projekata: izgradnja igrališta Iza Gaja – II faza i izgradnja Saburine kuće – II faza
- I faza izgradnje primarne vodovodne mreže Kozija ćuprija - Lapišnica
- asfaltiranje ulica :Hadžijska ravan od br.85.-107.,Sedrenik ispod Špicaste stijene,Nadlipe čikma,Iza Gaja od br.11.-15.,Tale Ličanina, Balibegovica od br.29.-41-,Trčivode, Garaplina, Sedrenik čikma (dio),Hladivode od br.70-90.Baruthana od br.26.38.,Sarajevskih gazija od br.40-44., i dr.;
- krpljenje udarnih rupa;
- popločavanje i kaldrme:Ul.Adžemovića od br.1-5.,piruša, Bjelavica, Lubina, H.brijeg, i dr.
- sanacija i popločavanje ulice: Strošići (sufinansiranje Kanton-Općina);
- potporni zidovi: Ul.Save Skarića – Hadžiabdinica, Jajce kasarna, Nadlipe do br. 6., Pastrma preko puta br.9., Mošćanica ispod česme, Bistrik br.9,Bistrik brojeg do br.6.,Hendina 4., i dr.
- kanalizacija: Mahmutovac br. 25.-37, Paje od br.1. do br.7.
- unapređenje postojeće legislative u oblasti komunalnih poslova kao i pojačane aktivnosti naplate zakupnina na ime korištenja javnih površina;
- rukohvati:Kovači, Ramića banja od br.47-49., Boguševac, Džeka, Grličića brdo do br.1., Save Skarića, Komatin, Jarčedoli do br.58. I 82., Timurhanova, i dr.
- sanacija i održavanje postojećih rukohvata ;
- izgradnja niša za smeće: Kamenica bb kod raskršća, Sedrenik kod raskršća za Barice,,Iza Hrida, Pogledine, raskršće Veliki Alifakovac – Dž.Čelića,Hadžiabdinica, Carina bb, Franjevačka bb., i dr.
- postavljanje i održavanje horizontalne i vertikalne signalizacije kao i signalizacija ispred škola;
- sanacija javne rasvjete na područjima MZ –a Općine i njeno održavanje;
- projekat numerisanja kuća;
- uređenje i održavanje „Aleje Ambasadora“;
- uređenje javnih površina (potkresivanje grmlja i stabala uz ceste,ulični mobilijar i sl.);
- intezivniji rad i aktivnosti u oblasti pojačanog inspeksijskog nadzora u oblasti urbanizma i građenja ,a naročito bespravnog građenja,te poduzimanje mjera u skladu sa Zakonom;
- intezivniji rad i aktivnosti u oblasti pojačanog inspeksijskog nadzora u oblasti komunalnih djelatnosti te poduzimanje mjera u skladu sa Zakonom;
- pojačane aktivnosti na što boljoj i kvalitetnijoj saradnji kako između općinskih službi tako i sa drugim organima,organizacijama i institucijama u oblasti inspeksijskog nadzora;
- otpočinjanje poslova naplate naknade za korištenje građevinskog zemljišta u skladu sa važećom Odlukom
- i dr.

4.

#### **IV - OBLAST PRIVREDE, POSLOVNIH PROSTORA, POLJOPRIVREDE I VETERINARSTVA**

U oblasti privrede, poslovnih prostora, poljoprivrede i veterinarstva planirane su sljedeće aktivnosti:

- nastavak započetih aktivnosti na realizaciji i dosljednoj primjeni Odluke o dodjeli u zakup poslovnih zgrada i poslovnih prostora Općine Stari Grad Sarajevo, a s tim u vezi i Odluke o rasporedu poslovnih djelatnosti na području Općine Stari Grad ( ovo se posebno odnosi na određene izmjene do kojih je došlo donošenjem nove Odluke o zakupu... iz avgusta 2013.godine)
- pojačana kontrola stanja i korištenja poslovnih prostora, kontrola stanja neaktivnih poslovnih prostora i slobodnih poslovnih prostora te sagledavanje stanja poslovnih prostora (premjer, etažiranje, skiciranje, i dr)
- dodatna obrada dokumentacije u oblasti otkupa poslovnih prostora na kojima pravo raspolaganja ima Općina Stari Grad Sarajevo uz sagledavanje i praćenje stanja u ovoj oblasti
- kontinuirana kontrola naplate zakupnina po osnovu korištenja poslovnih prostora
- praćenje i naplata evidentiranih zaostalih dugovanja
- pojačane aktivnosti na praćenju već utuženih zakupaca poslovnih prostora, kao i praćenje provođenja izvršnih presuda koje još uvijek nisu provedene
- sačinjavanje programskih mjera i aktivnosti u cilju dovođenja neuslovnih poslovnih prostora u funkciju
- aktivnosti u oblasti poljoprivrede, plastenička proizvodnja, aktivnosti u oblasti stočarstva, pčelarstva i druge slične aktivnosti
- aktivnosti u oblasti veterinarstva sa posebnim akcentom na zbrinjavanje pasa lualica (nezbrinutih životinja) u smislu iznalaženja dodatnih rješenja i praćenje stanja u ovoj oblasti, a naročito ako se uzme u obzir aktuelna procedura izmjena i dopuna Zakona o dobrobiti životinja;
- hortikulturalno uređenje pojedinih dijelova Općine Stari Grad Sarajevo
- i dr.

#### **V - OBLAST URBANIZMA I PROSTORNOG PLANIRANJA**

U oblasti urbanizma i prostornog planiranja planirane su sljedeće aktivnosti:

- aktivnosti vezane za prostorno plansku dokumentaciju: učešće u prostornom planiranju Općine sa nosiocima izrade planova prostornog uređenja Zavodom za planiranje razvoja Kantona Sarajevo, nosiocima pripreme Gradskom upravom i drugim subjektima planiranja
- organizovanje javnih tribina i rasprava u vezi sa izradom planova prostornog uređenja, i to:
  - Regulacioni plan "Mahmutovac"
  - Regulacioni plan "Alifakovac – Babića bašća"
  - Regulacioni plan "Jarčedoli"

5.

- aktivnosti na javnom oglašavanju za dodjelu lokacija za slobodnostojeće ljetne bašte
- pojačane aktivnosti na rješavanju primljenih zahtjeva za legalizaciju
- izmjene cjenovnika troškova tehničkog pregleda objekata za 2014. godinu
- i dr.

## VI - IMOVINSKO – PRAVNA I STAMBENA OBLAST

U imovinsko – pravnoj oblasti planirane su sljedeće aktivnosti:

- aktivnosti koje se tiču potpisivanja Ugovora o zajedničkom finansiranju poslova obnove gradske geodetske mreže Sarajeva (ugovorne strane su Federalna uprava za geodetske i imovinsko – pravne poslove Sarajevo i Općina Stari Grad)
- praćenje stanja i problematike u oblasti propisa koji se primjenjuju u ovoj oblasti te davanje sugestija i perijedloga na nacрте i prijedloge zakona iz ove oblasti (pored ostalog, ovdje se najviše misli na aktuelnu proceduru izmjene i dopune zakona o prodaji stanova na kojima postoji stanarsko pravo)
- iznalaženje lokacija koje bi se, uz ispunjenje propisanih uslova, putem Konkursa mogle ponuditi na prodaju
- nastavak rada na digitalizaciji geodetskih podloga u smislu otklanjanja eventualno uočenih grešaka
- praćenje i primjena propisa u stambenoj oblasti i oblasti otkupa stanova
- nastavak aktivnosti na nastavku gradnje stambene zgrade na Gazinom hanu (sugfinansiranje Općina Stari Grad i humanitarna organizacija “Hilfswerk” Austria)
- intenzivan rad na iznalaženju lokacije za socijalno ugrožene porodice, a vezano za projekat donatora evropske komisije za dodjelu finansijskih sredstava za implementaciju Projekta “Sistem socijalnog stanovanja SHS”
- i dr.

## VII - OBLAST OPĆE UPRAVE

U oblasti opće uprave, pored redovnih poslova i radnih zadataka, naročita pažnja će se posvetiti sljedećim aktivnostima:

- dosljedna primjena nove pravne regulative iz oblasti vođenja matičnih knjiga (Zakon o matičnim knjigama), a na osnovu kojih je Općina dobila nove nadležnosti koje se tiču ispravki i dopuna podataka u matičnim knjigama kao i nove nadležnosti koje se tiču utvrđivanja državljanstva Bosne i Hercegovine i Federacije Bosne i Hercegovine
- organizovanje neophodnih obuka koje se tiču primjene novih propisa (matične knjige – lični status građana) kao i druge obuke koje se tiču poslova pisarnice i kancelarijskog poslovanja
- edukacije matičara i ostalih službenika raspoređenih na poslovima matičnog ureda (edukacije će se odvijati u tri (3) nivoa i to unutar organa, edukacije koje će izvršiti Kantonalni MUP i edukacije Federalnog MUP-a)
- učesće u realizaciji Projekta “Elektronski potpis” Agencije i matičnog ureda, a koji je predviđen dana 30.04.2014. godine
- poboljšanje uslova smještaja arhivske građe
- sređivanje arhivske građe za koju je prema listi kategorija registarske građe istekao rok čuvanja
- i dr.

6.

## VIII - OBLAST OBRAZOVANJA, KULTURE, SPORTA I LOKALNOG RAZVOJA

U oblasti obrazovanja, kulture, sporta i lokalnog razvoja planirane su sljedeće aktivnosti:

### **Obrazovanje:**

#### **Predškolski odgoj i obrazovanje**

- sagledavanje stanja, praćenje i podsticanje aktivnosti iz oblasti predškolskog obrazovanja, te predlaganje mjera u cilju unapređenja odgojno – obrazovnog rada u predškolskim ustanovama
- utvrđivanje politike predškolskog odgoja i obrazovanja (obavezni i neobavezni)
- unapređenje rada predškolskih ustanova i kvaliteta usluga
- praćenje, usklađivanje i provođenje reformi u predškolskom odgoju i obrazovanju u skladu sa Zakonom
- analiza stanja objekata i uslova rada predškolskog odgoja na lokalitetu Općine u cilju poboljšanja kvaliteta usluga u predškolskim ustanovama
- i dr.

#### **Osnovni odgoj i obrazovanje**

- izrada Strategije razvoja u osnovnom odgoju i obrazovanju
- praćenje, usklađivanje i provođenje reformi u osnovnom obrazovanju
- organiziranje okruglih stolova u cilju iznalaska mogućnosti za pomoć djeci sa posebnim potrebama u cilju provođenja inkluzije kroz redovni odgojno-obrazovni rad
- koordinacija sa Zavodom “Mjedenica” i “Vladimir Nazor”
- analiza stanja objekata i uslova rada osnovnog obrazovanja na lokalitetu Općine
- priprema i organizacija takmičenja
- praćenje upisa, uspjeha i vladanja djece kroz redovite izvještaje
- opremanje škola neophodnim učilima
- realizacija Projekta “Škola plivanja” u saradnji sa JU “Olimpijski bazen Otoka”
- pripreme i realizacija općinskih takmičenja učenika osnovnih škola u saradnji sa Prosvjetno-pedagoškim zavodom iz nastavnih predmeta u skladu sa Zakonom za školsku 2014/15. godinu
- dodjela stipendija nadarenim učenicima
- organizovanje i realizacija historijskog časa “Da se ne zaboravi Srebrenica”
- organizacija i realizacija projekta razmjene učenika osnovnih škola iz Općine Stari Grad i Općine Karpoš – Skoplje (Republika Makedonija)
- i dr.

#### **Kultura**

- učesće u organizaciji niza kulturnih manifestacija organizovanih povodom obilježavanja 100 godina Sarajevskog atentata (svečano otvaranje Vijećnice, izložbe, koncerti i sl.)
- učesće u organizaciji tradicionalnih kulturnih manifestacija : Sarajevo film Festival, Bašaršijske večeri, Sarajevska zima, MESS, Balet fest, Dani Krleže, Međunarodni festival

7.

folklor, Sarajevski dani poezije, Nagrada Isa – beg – Isaković, i dr.

-organizovanje druženja učenika likovnih i eko sekcija osnovnih škola (“Boje jeseni” i “Miris proljeća”)

-manifestacija “Old timer” - doprinos realizaciji manifestacije

-i dr.

### **Oblast sporta**

-aktivnosti na projektovanju sportskih i rekreacionih objekata (izrada izvedbenog projekta sportske sale OŠ “Edhem Mulabdić” na Bistriku, projektovanje sportske sale OŠ “Mula Mustafa Bašeskija”)

-organizovanje rekreacije za sve dobne i polne strukture (organizacijska, kao i materijalno – tehnička pomoć organizaciji sportskih takmičenja, organizovanje Škole skijanja “Igman 2014”, početni kurs koji će besplatno obučiti 100 učenika osnovnih škola Starog Grada)

-organizacija sportskih manifestacija (Tour de France – biciklistička trka povodom obilježavanja 100 godina Sarajevskog atentata, malonogometni turniri, stonoteniserski turniri, bajramski turnir, Božićni turnir, šahovski memorijal “Jedan je Hase”, i sl)

-i dr.

### **Oblast lokalnog razvoja**

-nastavak aktivnosti započetih u 2013. godini: Projekat “Naša pasivna kuća” - izgradnja Pasivne kuće i njeno stavljanje u upotrebu očekuje se početkom 2014. godine

-nastavak realizacije projekta “Solarna elektrana na krovu OŠ “Mula Mustafe bašeskije” – Sedrenik (izrađena kompletna projektno – tehnička dokumentacija kao i Elaborat optimalnog tehničkog rješenja za priključenje na distributivnu mrežu, a što je uslov za dobijanje prethodne elektroenergetske saglasnosti kod J.P. Elektrodistribucija, a koja je obezbjeđena)

-rješavanje problema vodosnabdjevanja naselja Lapišnica ( ukoliko se u Budžetu Općine za 2014. godinu uspiju obezbjediti sredstva za ovu namjenu pristupit će se rješavanju ovog problema)

-rekonstrukcija ulice Logavina (zamjena dotrajalog distributivnog cjevovoda od raskršća ulice Logavina sa ulicom M.M. Bašeskije pa do džamije Vrbanjuša ). Planirana rekonstrukcija ne predviđa samo zamjenu dotrajalog distributivnog cjevovoda već i rekonstrukciju asfaltnog sloja saobraćajnice, a u zavisnosti od stepena dotrajalosti ostalih podezmih instalacija, pristupilo bi se i zamjeni kompletne podzemne infrastrukture.

-realizacija projekta “ parking za bicikle na platou ispred zgrade Općine Stari Grad Sarajevo” (parkiralište sa devet stalaka-kapaciteta za parkiranje 18 bicikla). Obvaj Projekat bi se realizovao u saradnji sa Udruženjem građana “Giro di Sarajevo”

-nastavak aktivnosti oko izrade projektno tehničke dokumentacije utopljavanja zgrade Općine Stari Grad Sarajevo u saradnji sa turskom firmom “Atilla Group”

-i dr.



8.

## **IX - OBLAST CIVILNE ZAŠTITE**

U oblasti civilne zaštite planirane su sljedeće aktivnosti:

- poslovi na daljem ažuriranju Plana zaštite i spašavanja ljudi i materijalnih dobara od prirodnih i drugih nesreća
- poslovi na ažuriranju Procjene ugroženosti Općine od prirodnih i drugih nesreća
- planiranje i poduzimanje preventivnih mjera na umanjenju opasnosti od prirodnih i drugih nepogoda (snijeg, požari isl)
- poslovi obilježavanja objekata koji ugrožavaju živote i imovinu Općine
- pojačan rad i kontrola stanja ispravnosti svih skloništa na području Općine
- aktivnosti na pojačanom, stalnom i kontinuiranom praćenju situacije na području Općine, a koja se tiče kako ruševnih objekata tako i klizišta i drugih sličnih situacijama
- i dr.

## **X - OBLAST BORAČKO-INVALIDSKE ZAŠTITE**

U oblasti boračko – invalidske zaštite planirane su sljedeće aktivnosti:

- nastavak poslova na ličnoj identifikaciji korisnika prava u ovoj oblasti kao i ažuriranje ličnih podataka
- aktivnosti povodom Dana Općine Stari Grad
- nastavak poslova revizije u skladu sa Zakonom o proglašenju Zakona o provođenju kontrole zakonitosti korištenja prava iz oblasti boračko-invalidske zaštite (omogućiti revizorskom timu uvid i kontrolu 243 predmeta porodične invalidnine, provjeriti i verifikovati sve zapisnike o izvršenoj kontroli, i dr)
- obilježavanje značajnih datuma u periodu 1992.-1995 godina
- aktivnosti na pomoći populaciji iz ove oblasti podjelom novčane pomoći-hedije, prehrambenih paketa kao i druge vrste predviđenih jednokratnih pomoći
- stipendiranje djece boračke populacije (srednjoškolaca i studenata) u skladu sa Pravilnikom o stipendiranju i sredstvima koja budu planirana u Budžetu općine za 2014. godinu
- i dr.

## **XI - OBLAST SOCIJALNE ZAŠTITE**

U oblasti socijalne zaštite planirane su sljedeće aktivnosti:

- nastavak redovnih aktivnosti u vezi sa ostvarivanjem prava na dječiji dodatak kao i obnova prava na dječiju zaštitu za sve korisnike u periodu septembar – oktobar 2014. godine, ostvarivanje prava za porodilje, i sl.
- poslovi na rješavanju statusnih pitanja lica iz kategorije izbjeglih i raseljenih lica
- obezbjeđenje određenih vidova pomoći, a u skladu sa objektivnim mogućnostima Općine, socijalno ugroženoj kategoriji stanovništva
- realizacija određenih akcija pomoći socijalno najugroženijim kategorijama u saradnji sa Centrom za socijalni rad i humanitarnim organizacijama
- i dr.

## **XII - ODNOSI SA JAVNOŠĆU I OBLAST TURIZMA**

U oblasti odnosa sa javnošću planirane su sljedeće aktivnosti:

- izrada biltena Općine “Starogradski haberi” tromjesečno (četiri (4) puta godišnje)
  - aktivnosti na brizi i evidenciji o poštovanju odredbi Ugovora o isporučivanju starogradskog suvenira “Sarajevska kocka”
  - izrada brošure Općine Stari Grad Sarajevo
  - instaliranje novih sadržaja na WEB stranici [www.starigrad.ba](http://www.starigrad.ba)
  - instaliranje novih rubrika
  - ažuriranje i održavanje komplementarnih servisa (Facebook page Općine i Youtube profil)
  - ažuriranje postojećih i uvođenje novih sadržaja i servisa koji će koristiti uposlenicima Općine – internog karaktera
  - intezivnije aktivnosti na kompletiranju tima za vođenje “Kuće zanata” u cilju njene samoodrživosti uz multimedijalnu prezentaciju tradicionalnih zanata, izradu letaka, brošura, i sl.
  - dalji rad na projektu “Selamluk”
  - rad na međuentitetskom projektu “Sarajevo Olympic Bike Park” u koji su uključene četiri (4) općine iz Federacije i tri (3) iz Republike Srpske na čijem se teritorju nalaze olimpijske planine
  - učestvovanje u međunarodnom projektu “INTOURACT” , kojeg implementira “Serda” , a u okviru kojeg Općina uvrštava svoje kulturno – historijsko i prirodno nasljeđe
  - priprema “treće generacije Info – panoa”
  - uvezivanje turističkih agencija u cilju razvoja perceptivnog turizma u Općini
  - učestvovanje u IPA programu prekogranične saradnje BiH i Crne Gore
- i dr.

## **XIII - OBLAST INFORMACIONIH SISTEMA**

U oblasti informacionih sistema planirane su sljedeće aktivnosti:

- poboljšanje i održavanje postignutog stepena funkcionalnosti servisa IT koji podržavaju poslovne procese u Općini
  - poboljšanje mrežnih servisa (LAN WAN, Internet i Intranet), virtuelizacija servera informacionog sistema ( nastavak implementacije iz 2013.godine), nabavka hardvera, softvera (licenci) i implementacija
  - nabavka i implementacija alata za Monitoring, web sigurnost i kontrolu pristupa
  - nastavak podrške korisnicima aplikacije koje su “spuštene” sa drugih nivoa vlasti (ovaj segment poslova se usložnjava obzirom da se povećava broj zahtjeva koji dolaze sa drugih nivoa vlasti)
  - održavanje nadzornog audita (decembar 2014.godine, s tim, što je u toku izrade ovog Programa u toku nadzorni audit za 2013.godinu). Navedeni audit predstavlja nastavljajanje napora na održavanju kontunuiteta sistema kvaliteta ISO 9001:2008 što je i deklarirano opredjeljenje za kvalitet poslovnog kvaliteta Općine
- i dr.

#### **XIV - OBLAST POSLOVA MZ**

U oblasti poslova MZ planirane su sljedeće aktivnosti:

- intezivna saradnja sa nadležnim općinskim službama na realizaciji planiranih projekata asfaltiranja, krpljenja udarnih rupa, sanaciji stambenih jedinica, i sl.
- nastavak intezivne saradnje sa PS Stari Grad sa ciljem povećanja stepena bezbjednosti građana, te podsticanje građana na učestvovanje u projektima “Nadziranje susjedstva”, “Rad policije u zajednici”, i sl.
- suradnja sa Lot timovima IFOR-a
- saradnja (u granicama objektivnih mogućnosti) sa nadležnim ustanovama za azile (provođenje akcije kastracije i smještaja agresivnih pasa)
- nastavak saradnje i koordinacije sa kuhinjom Crvenog križa, Narodnom kuhinjom “Stari grad”, općinskim Centrom za socijalni rad, Domom zdravlja Stari Grad i Centrom za mentalno zdravlje
- animiranje djece i omladine da se kroz sportske i kulturno – zabavne aktivnosti preventivno djeluje na sprečavanju i širenju konzumiranja alkohola, opojnih droga, i sl.
- provođenje adekvatnih aktivnosti po MZ u suradnji sa NVO i Udruženjima: sastanci, edukacije, pozorišne predstave, plesne škole, folklorne skupine, stolni tenis, i sl.
- pojačane aktivnosti na daljem jačanju pomoći građanima i lakšem pristupu u cilju rješavanja određenih pitanja iz nadležnosti Općine, kao i drugih nivoa vlasti
- i dr.

#### **XV – OBLAST REVIZIJE (INTERNA REVIZIJA)**

U Oblasti interne revizije ( čiji je osnovni cilj unapređenje poslovanja Općine i to kroz sistem inetrnih kontrola i s tim u vezi davanje neovisnih i objektivnih preporuka za ispunjavanje naprijed navedenog cilja ) utvrđen je Godišnji plan interne revizije za 2014.godinu. Na osnovu utvrđenog Godišnjeg plana utvrđena su i revizijska područja za 2014.godinu, i to;

- isplate stipendija
- blagajna
- informatizacija općinske uprave

Pored naprijed navedenog, planirane su i druge aktivnosti interne revizije, kao što su:

- praćenje ostvarivanja i ažuriranja Strateškog plana interne revizije za period 2014 – 2016 godina
- praćenje ostvarivanja godišnjeg plana intrene revizije za 2014.godinu
- i dr.

U 2014. godini aktivnosti i djelovanja interne revizije će se posebno usmjeriti i na:

- usklađivanje rada interne revizije za Zakonom o internoj reviziji, Etičkim kodeksom, Standardima i metodologijom rada koja proizilazi iz međunarodnih revizorskih standarfa II A, dobrim praksama država u okruženju i metodologijom rada koje je usvojila Centralna harmonizacijska jedinica (CHJ) kao i Uputstvima Ureda za reviziju institucija BiH

## **XVI - PRIJEDLOZI OPĆIH I POJEDINAČNIH AKATA, IZVJEŠTAJA I INFORMACIJA ZA OPĆINSKO VIJEĆE**

U dosadašnjem radu i djelovanju u segmentu predlaganja općih i pojedinačnih akata postignut je određen nivo u koje je najveći broj navedenih akata već bio predmet razmatranja i donošenja na sjednicama Općinskog vijeća. U vezi sa navedenim i Programske aktivnosti koje se tiču ove oblasti bit će bazirane na onim prijedlozima akata čije će razmatranje na sjednicama OV biti izvjesno.. Naravno, u slučaju da se ukaže objektivna potreba,svaki materijal će biti stručno obrađen i prosljeđen Općinskom vijeću, kao nadležnom tijelu, na razmatranje i odlučivanje.

Planirane aktivnosti:

- Odluka o visini naknade za pogodnosti gradskog građevinskog zemljišta – rente na području Općine Stari Grad Sarajevo za 2014.godinu
- Odluka o utvrđivanju visine naknade za građevinsko,poljoprivredno i gradsko građevinsko zemljište za 2014 godinu
- Nacrt Budžeta Općine za 2015.godinu
- Prijedlog Budžeta Općine za 2015.godinu kao i prijedlozi drugih pratećih Odluka i drugih akata vezanih za proces budžetiranja
- Prijedlog rebalansa Budžeta kao i Odluka o preraspodjeli sredstava ( po potrebi)
- Pravilnik o visini i načinu isplate jednokratne novčane pomoći porodicama
- Prijedlog Odluke o vidovima socijalne zaštite koji se finansiraju iz Budžeta Općine Stari Grad Sarajevo

- Izvještaji o realizaciji Budžeta Općine za 2014.godinu
- Izvještaj o broju upisane djece u prve razrede osnovnih škola za školsku 2014/15.godinu
- Informacija o izvršenim hitnim intervencijama na zgradama
- Informacija o vršenju inspekcijaskog nadzora u oblasti urbanizma i građenja
- Informacija o stanju komunalne čistoće na području Općine
- Informacija o aktuelnim pitanjima iz oblasti socijalne zaštite
- Informacija o uspjehu i vladanju učenika na kraju prvog polugodišta školske 2014/15.godine, kao i na kraju školske 2014/15. godine

-Informacije o provođenju općinskih odluka iz oblasti:

- imovinsko – pravna oblast
- stambena oblast
- oblast poslovnih prostora
- oblast urbanizma
- oblast boračko – invalidske zaštite
- oblast socijalne zaštite
- oblast komunalnih djelatnosti
- oblast inspekcijaskog nadzora
- oblast obrazovanja,kulture, sporta i lokalnog razvoja
- oblast lokalnog razvoja
- kao i sve druge oblasti na koje se odnose donesene općinske Odluke

12.

-Informacija o pripremljenosti za zimsko održavanje saobraćajnica na području Općine Stari Grad Sarajevo

-kao i drugi prijedlozi općih i pojedinačnih akata, izvještaja i informacija.

Naprijed pobrojane aktivnosti predstavljaju samo dio planiranih aktivnosti u ovoj oblasti. Najveći dio ovih aktivnosti bit će naveden u Programu rada Općinskog vijeća, a u slučaju da se ukaže potreba određeni prijedlozi općih i drugih akata bit će predmet razmatranja Općinskog vijeća.

## **XVII - ZAVRŠNI DIO**

Pravni osnov za donošenje Programa rada Općinskog Načelnika sadržan je u Statutu Općine Stari Grad Sarajevo i obavezi Općinskog Načelnika da Općinskom vijeću prezentira svoje programske aktivnosti.

Programske aktivnosti Općinskog Načelnika su planski akt i polazna osnova za izradu Programa rada Općinskog Vijeća.

Po svom karakteru i sadržaju ovo je i okvirni akt koji će se kretati u okvirima objektivnih potreba i realnih mogućnosti Budžeta Općine Stari Grad Sarajevo za 2014. godinu.

U vezi sa naprijed navedenim Općinski Načelnik prezentira Općinskom vijeću Stari Grad Sarajevo Program rada za 2014. godinu.

**OPĆINSKI NAČELNIK**  
**mr. Ibrahim Hadžibajrić, s.r.**

## S A D R Ź A J

1.Uvodni dio .....	str. 1.
2.Okvirni plan aktivnosti.....	str. 1.
3.Oblast investicija,komunalnih i inspekcijskih poslova.....	str. 3.
4.Oblast privrede,poslovnih prostora,poljoprivrede i veterinarstva....	str. 4.
5.Oblast urbanizma i prostornog planiranja .....	str. 4.
6.Imovinsko-pravna i stambena oblast.....	str. 5.
7.Oblast opće uprave.....	str. 5.
8.Oblast obrazovanja, kulture, sporta i lokalnog razvoja.....	str. 6.
9.Oblast civilne zaštite.....	str. 8.
10.Oblast boračko-invalidske zaštite.....	str. 8.
11.Oblast socijalne zaštite.....	str. 8.
12.Odnosi sa javnošću i oblast turizma.....	str. 9.
13.Oblast informacionih sistema.....	str. 9.
14.Oblast poslova MZ.....	str. 10.
15.Oblast revizije (interne revizije).....	str. 10.
16.Prijedlozi općih i pojedinačnih akata, Izvještaja i Informacija za OV.....	str. 11.
17.Završni dio.....	str. 12.